

Dèwà She Mɛ Mbì Sɛ Jân Kɔe

Mè hwæsi

¹Mùn, mwumɲkæm ɲkwìn bɔwum Mvènnswæb ne ta dèwà ton sɛ kɔi lè wù, dɔyim mè yib nyě Mvènnswæb zwè' ke nyinnim bɔwum. Mùn ne hwæsi wù, lè bwen byú nun hwæn bɛ mùn yili lè lɛɲkæm. Mùn ne' ne su' kan byin yili, son, bɔwum bye limmi mbyi lɛɲkæm ta tì byin yili, ²ntwi' se lɛɲkæm màzwùm si bwi' mɛ nlim nun, se ye tì ku' bwi' bɛ mɛ nlim nun kwan hwæn. ³Ce nye' Mvènnswæb bon lè Mwen nyon Yesù Kristò, bɛ ye bwi' ɲgànni, bɛ kwennzì òlim lè bwi', bɛ fe tì fɔa lè bwi' bɛ dɔwɔn mbyi lɛɲkæm, bwi' yili bɔwùlukwæn ke nyinnim she' nun.

Bwi' yilèni bɔwùlukwæn ke nyinnim she' nun

⁴Ñlim lwukea mùn òzwɔnzwò' ke nyen ye mùn yenne le bwen byú byindɔ' ta mbyi lɛɲkæm dɔwɔn wě tà she Ce nye' Mvènnswæb shèe bwi'. ⁵Jene, dɔyim mè yib, mùn tà wu swulea le, bwi' yilèni bɔwùlukwæn ke nyinnim she' nun. Ñzà' le' nyě nywæb ne mùn tà ka wú kɔi, son, òzà' le' nyě bwi' sete ywɔ', kwan se bɛ kien bwi' Ñtwum Yesù Kristò shě zwimbyi' nɛ. ⁶Beshe bwi' ta Mvènnswæb yili, se lisa' le bwi' ta òzà' le' yon dɔwonnzi ke pa' tòn se bwi' ta tòn nun. Mvènnswæb shě lè bwi' le: «Yilèni bɔwùlukwæn ke nyinnim shin nun.» Ñzà' le' nyě byin ywɔe kwan se bɛ kien byin Ñtwum Yesù Kristò shě zwimbyi', nun ne nyě.

Mè ci-mpɔka' bɔwum

⁷Mùn tà byin son shě li, ntwi' se mè ci-mpɔka' bɔwum ndɔ' kweân ke ɲgyô' wan nun mɛan, bɛ ta byinnò' le Yesù Kristò ni bènne kân cě ɲgyô' wan wě mwum. Pa' bɔwum màzwùm si mè ci-mpɔka' bɔwum, bɛ bɛ tì mè ci-byinnzì Kristò. ⁸Li, konnèni lè byin nɛ', lè she se byin cie si lækì pyi ɲgyô' dindin, son, byin ye dâsi ne Mvènnswæb kě ke jin shin nun.

⁹Mwum nɛ tà ka òzà' le' ye Kristò shèe nun dɔwonnzi, lè à tà ku' yon ne' kòndò' mbyi lè mwù, limmèni le mwum màzwùm bǎ m̀bæti lè

Ìvènnswàb. Son, ti lè mwum nyě tǎ ñzǎ! le' Kristò ðwonnzi, à ni ìbǎeti lè Ce nye! Ìvènnswàb, à kònnɔ̀ ɓe ìbǎeti lè Mwen nyon. ¹⁰Li, ɓeshe mwum ndɔ' ɓèn ke cì shin, à shì ɓe lè ñzǎ! le' Kristò màzwùm ɲwum, ɓa ɓyin ye nun ke ðwon yin, shìkì ɓyin hwæsi ku' nun. ¹¹Ntwi' se mwum ndɔ' shè lè nun le: «Kîin lwen», lè à kèâ fyà' ke ncí ɓyebbi fɔ' nun ɓon lè nun.

Ìmlòkà' le'

¹²Mùn cinni tì ywum mèan ndɔ' ye mùn yili mùn she tì ɓyin, son, mǔn yili kan mùn she ɓyin yon ke ɲgɔ' ye mùn tà ɓyin kɔi jene nun. Mùn yili mùn kin cì shin lè mǔn ne', lè mùn she ɓyin ywum màzwùm lè ɲwum yêm, ɓǎ ɓwi' lwinni lè ñdàli.

¹³ʔwen dèa nywù ne Ìvènnswàb zwè' ke nyinnim ɓwum hwæsi wù.